

**Uunga siunnersuut: Pisortat oqartussaaffigisaanni suliffeqarfinilu nioqqutissanik
kiffartuussinernillu pisiniarnermut tunngatillugu neqeroorteqartitsisarneq pillugu
Inatsisartut inatsisaat nr. xx, xx. xxx 2018-imeersoq**
(Inuussutissarsiornermut Nukissiuuteqarnermullu Naalakkersuisoq)

Saqqummiussissut

(Inuussutissarsiornermut Nukissiuuteqarnermullu Naalakkersuisoq)

Siullermeerneqarnera

Matumuuna Inatsisartut aalajangiussinerannik piviusunnngortitsisumik Pisortat oqartussaqaarfiini suliffeqarfiutaannilu nioqqutissanik kiffartuussinernillu pisinermut atatillugu neqeroorteqartitsineq pillugu pisortaqaarfiit pisiniartanerannut malittarisassanik sinaakkusiisoq Inatsisartut inatsisissaannut siunnersuut Naalakkersuisut sinnerlugit saqqummiutissavara.

Iluliorlunilu sanaartornermik suliassaqaarfimmi pisartunut akerliusumik pisortat nioqqutinik kiffartuussissutinillu pisiniartarnerat siusinnerusukkut inatsisilersugaasimannngilaq, pisortalli namminneq iluanni aalajangersakkani sammineqartarsimavoq. Suliffiit iluini aalajangersakkanit taakkunanit, Neqeroortitsinermit inatsimmit, aamma Danmarkimi neqeroortitsinermit inatsimmit, suliassaqaarfimmi EU-mi inatsisaasunik atuuttunik sanaartornermi neqeroortitsisarneq pillugu Inatsisartut inatsisaat nr. 11, 2. december 2009-meersumit isumassarsiaqarluni siunnersuut suliarineqarpoq. Taamaattorli aalajangersakkat piviusut oqaasertalersugaaneranni Kalaallit Nunaannut atatillugu immikkut ittut sianigineqarput.

Siunnersuummiippat nioqqutissanik kiffartuussissutinillu 500.000 kr.-t sinnerlugit nalilinnik pisiniartarnerit tamarmik, neqeroortitsinerimullu ilutsit assigiinngitsut sisamat aalajangersarpai: Pisortat neqeroortitsinerat, killilimmik neqeroortitsineq, aamma sioqqutsisumik tamanut saqqummiussaqaarfigalugu imaluunniit saqqummiussaqaarfiginagu isumaqatiginninniarnermik neqeroortitsinerit. Aammattaaq inatsimmi aalajangersarneqarput isumaqatigiissummik tunniussaqaarnissamut tunngavigisassat.

Tulliullugu siunnersuut aalajangersakkanik siamasinnerpaatut annertussusilinnik Kalaallit Nunaanni niurmi kiffaanngissuseqartumik sunniuteqartumillu unammillertoqarnerup qularnaarnissaanik siunertaqartunik aalajangersaavoq. Pisortat neqeroortitsineranni Kalaallit

Nunaanni suliffeqarfiit mikisut akunnattumillu angissusillit neqerooruteqarnissaannut periarfissanik annertusaaniarluni isumaqatigiissutit immikkoortiternissaasa tulluartsuussanera pillugu pisortat oqartussaaffii naliliinissaminnut pisussaaffeqarnerat pillugu tungavigisassaq tassani ilaavoq.

Taamatut oqaaseqarlunga siunnersuut Inatsisartuni akuersaartumik oqaluuserineqarnissaa kissaatigalugu ingerlateqqippara.